

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. i člana 30. Zakona o igrama na sreću („Službene novine FBiH“, br. 48/15 i 60/15) i člana 22. Statuta Lutrije BiH („Službene novine FBiH“, br.95/15), Nadzorni odbor Lutrije Bosne i Hercegovine, na sjednici održanoj dana 24.10.2022. godine, donio je

P R A V I L A
IGARA NA SREĆU LOTO 6/39 I JOKER

1. OSNOVNE ODREDBE

Član 1.

Ovim pravilima reguliše se: naziv i sjedište Priređivača, naziv, vrijeme trajanja i područje primjene igara; uslovi za učestvovanje u igrama na sreću; osnovica za utvrđivanje fonda dobitaka; pojedinačna cijena igara; ukupna vrijednost uplate pojedinih kola igara; visina fonda dobitaka i vrste dobitaka; način, postupak i nadzor izvlačenja; krajnji rok uplate za učestvovanje u igrama; opis pomoćnog listića i potvrde; način objavljivanja iznosa uplate, fonda dobitaka i rezultata igara; prigovori-reklamacije; način i rok isplate dobitaka; način upoznavanja igrača sa ovim pravilima; postupak u slučaju otkazivanja izvlačenja; porez na dobitke i prijelazne i završne odredbe.

Član 2.

Klasične igre na sreću LOTO 6/39 i Joker su igre na sreću u kojima učestvuje veći broj učesnika sa namjerom da budu jedini ili djelimični dobitnici unaprijed definisanog fonda dobitaka i u kojima se izvlačenje brojeva obavlja putem bubnja.

Član 3.

Ova pravila predstavljaju osnov za zaključivanje ugovora o učešću u igri LOTO 6/39 i Joker.

Ugovor iz st. 1. ovog člana se zaključuje između Priređivača i igrača na osnovu prihvatanja opštih uslova propisanih i sadržanih u ovim pravilima, po slobodno izraženoj volji igrača, činom uplate iznosa ispisanog na izdatoj potvrdi o uplati.

Uplata u igri na sreći se dokazuje posjedovanjem potvrde o uplati (u daljem tekstu: potvrda) ili e-potvrde za igrače koji u igri učestvuju putem interneta.

Član 4.

Za obaveze prema prema igračima, u skladu sa odredbama ovih pravila odgovara Priređivač svim svojim sredstvima.

Za isplatu dobitaka iz stava 1. ovog člana, u skladu sa članom 15. Zakona o igrama na sreću jamči Federacija Bosne i Hercegovine.

2. NAZIV I SJEDIŠTE PRIREĐIVAČA

Član 5.

Priređivač igara na sreću LOTO 6/39 i Joker je Lutrija Bosne i Hercegovine d.o.o. Sarajevo, sa sjedištem u Sarajevu, ulica Mehmeda Spahe br. 11., registrovana kod nadležnog suda, čija je djelatnost priređivanje svih vrsta igara na sreću.

3. NAZIV, VRIJEME TRAJANJA I PODRUČJE PRIMJENE IGARA

Član 6.

LOTO 6/39 i Joker su igre na sreću koje se priređuju trajno, po kolima, dva puta sedmično i to utorkom i subotom, na području Federacije Bosne i Hercegovine i Brčko Distrikta.

Član 7.

Igra LOTO 6/39 je brojčana igra sa izvlačenjem 6 dobitnih brojeva (u daljem tekstu dobitna kombinacija) od ukupno 39 brojeva, putem bubnja.

Nakon izvučenih 6 brojeva, izvlači se još i jedan dopunski broj, koji služi za određivanje dobitaka druge, četvrtе, šeste i osme vrste dobitaka iz člana 21. ovih Pravila. Dopunski broj se izvlači iz istog bubnja iz preostalih kuglica.

Za igru LOTO 6/39 se unaprijed u procentu utvrđuje visina fonda dobitaka.

LOTO 6/39 je osnovna igra za igru Joker (u daljem tekstu: osnovna igra) i igra Joker se može odigrati samo u slučaju kada je odigrana osnovna igra.

Član 8.

Igračem u igrama LOTO 6/39 i Joker se smatra lice koje je sa Priređivačem zaključilo ugovor iz čl. 3. ovih pravila, o čemu posjeduje potvrdu o uplati.

4. USLOVI ZA UČEŠĆE U IGRAMA

Član 9.

Uplate za učestvovanje u igri LOTO 6/39 i Joker se primaju na terminalima Priređivača, putem interneta, ili drugih interaktivnih komunikacijskih kanala.

Svi prethodno navedeni kanali prodaje pomoću kojih igrač može odigrati igru u stalnoj su vezi sa centralnim sistemom Priređivača.

Primanje uplate putem terminala počinje popunjavanjem i čitanjem pomoćnog listića, a završava zapisom njegovog popunjenog sadržaja na serveru on-line sistema, te izdavanjem potvrde o uplati.

Uplata LOTO 6/39 i Joker može se vršiti i kompjuterskim odabirom brojeva (quick pick).

Uslovi za učestvovanje u igrama LOTO 6/39 i Joker putem interneta propisani su Uputstvom o uplati igara na sreću putem interneta.

Uplate za učestvovanje u igrama LOTO 6/39 i Joker putem interneta primaju se isključivo na internet stranici priređivača, odabirom ponuđenih opcija za odigravanje i potvrdom uplate igre.

Član 10.

Pomoćni listić se popunjava čitko, tamnoplavom ili crnom hemijskom olovkom, bez ispravljanja i nepravilnog označavanja, tako da znak „x“ ne pređe okvir predviđenog kvadratića i time dovede u sumnju kojem broju znak „x“ pripada.

4.1. Dokaz za učestvovanje u igri

Član 11.

Dokaz za učestvovanje u igri isključivo je potvrda o uplati, dok je za učestvovanje u igri putem interneta dokaz isključivo e-potvrda.

Pomoćni listić je isključivo pomoćno sredstvo za igru i ne može poslužiti kao dokaz za učestvovanje u igri.

Član 12.

Potvrde o učestvovanju u igri iz člana 39. ovih pravila učestvuju/vrijede u kolu za koje su kompjuterski zapisane na DVD-ovima i koji se pohranjuju u trezoru.

Član 13.

Potvrde koje nemaju oznake određene u članu 39. ovih pravila su nevažeće.

Uz predaju potvrde, igrač je dužan predati na uvid ličnu kartu licu koje obavlja isplatu, samo za dobitke koji podliježu porezu.

Igrač u igrama LOTO 6/39 i Joker je dužan pri uplati provjeriti ispravnost potvrde iz člana 39. ovih pravila.

U protivnom, naknadni prigovori ne važe.

Član 14.

Blagovremenim deponovanjem DVD medija u trezor, smatra se deponovanje koje je obavljeno prije početka izvlačenja brojeva određenog kola igre LOTO 6/39 i Joker.

5. OSNOVICA ZA UTVRĐIVANJE FONDA DOBITAKA

Član 15.

Osnovica za utvrđivanje fonda dobitaka u klasičnim igrama na sreću LOTO 6/39 i Joker utvrđuje se od iznosa uplate, koju čini ukupna vrijednost uplate za učestvovanje u svakoj pojedinoj igri na sreću umanjenu za iznos od 10% na ime naknade za priređivanje igre koja se uplaćuje u budžet FBiH.

6. LOTO 6/39

Član 16.

U svakom kolu igre LOTO 6/39 izvlači se šest brojeva iz grupe brojeva od 1 do 39. Izvučeni brojevi poredani po rastućem redosljedu čine dobitnu kombinaciju igre LOTO 6/39.

Nakon izvučenih 6 brojeva, izvlači se i još jedan dopunski broj, koji služi za utvrđivanje dobitaka druge, četvrte, šeste i osme vrste dobitaka igre Loto 6/39.

Dopunski broj se izvlači iz istog bubnja od preostalih kuglica.

Član 17.

Uplate za učestvovanje u igri LOTO 6/39 se vrše na terminalima (putem pomoćnog listića ili kompjuterskim odabirom brojeva - quick pick), putem interneta, ili drugih interaktivnih komunikacijskih kanala.

U upotrebi se nalaze tri vrste pomoćnih listića: pomoćni listić za pojedinačno odigravanje kombinacija (obični), sistemski pomoćni listić i parcijalni sistemski pomoćni listić.

a) Na običnom pomoćnom listiću se nalazi 10 skupnih polja. Skupno polje sačinjavaju kvadratići s odštampanim brojevima od 1 do 39. Svaka ispravno popunjena skupina polja predstavlja pojedinačnu kombinaciju. U pojedinačnoj kombinaciji igrač pogađa kojih će šest brojeva biti izvučeno u određenom kolu. Pomoćni listić za pojedinačno odigravanje kombinacija se popunjava tako što se u pojedinom skupnom polju znakom „x“ označava šest brojeva.

b) Na sistemskom pomoćnom listiću se nalazi jedno skupno polje sa brojevima od 1 do 39 i kontrolni niz od deset kvadratića sa upisanim brojevima: 7, 8, 9, 10, 11, 12, 13, 14, 15 i 16, koji označavaju koliko je brojeva označeno u skupnom polju.

Sistemski pomoćni listić se popunjava po punom sistemu tako što se u skupnom polju znakom „x“ označava 7, 8, 9, 10, 11, 12, 13, 14, 15, 16 brojeva, kao i odgovarajući broj u kvadratiću u nizu, u ovisnosti od izabrane varijante punog sistema:

Varijante punog sistema	Broj kombinacija punog sistema
7 brojeva	7
8 "	28
9 "	84
10 "	210
11 "	462
12 "	924
13 "	1.716
14 "	3.003
15 "	5.005
16 "	8.008

c) Na pomoćnom parcijalnom sistemskom listiću se nalazi jedno skupno polje sa brojevima od 1 do 39, kontrolni niz od petnaest kvadratića sa upisanim brojevima: 9, 10, 11, 12, 13, 14, 15, 16, 17, 18, 19, 20, 21, 22 i 23, koji označavaju koliko je brojeva označeno u skupnom polju, i dodatni niz od šest kvadratića sa upisanim postocima: 10%, 20%, 30%, 40%, 50% i 60% putem kojih se označava postotni dio izabranog punog sistema koji se uplaćuje.

Igrač učestvuje sa svim odigranim kombinacijama. Dobitnik koji ostvari bilo koji dobitak putem uplate parcijalnog sistemskog listića ostvaruje dobitak u visini označenog postotnog dijela dobitka.

Pomoćni parcijalni sistemski listić se popunjava po parcijalnom, sistemu, tako što se u skupnom polju označi 9, 10, 11, 12, 13, 14, 15, 16, 17, 18, 19, 20, 21, 22 ili 23 broja, i odgovarajući broj u kvadratiću u nizu koji označava koliko je brojeva označeno u skupnom polju. Kod uplate putem pomoćnog parcijalnog sistemskog listića igrači su obavezni da znakom „x“ označe jedan od kvadratića sa upisanim postocima: 10%, 20%, 30%, 40%, 50%, 60%. Na ovaj način odabiru koliki postotni dio cijene punog sistema će uplatiti. Odabirom nekog od navedenih postotaka igrač prihvata činjenicu da će mu prilikom osvarivanja nekog dobitka pripasti samo odabrani procenat iznosa ostvarenog dobitka.

Varijante parcijalnih sistema	Broj kombinacija parcijalnih sistema
9 brojeva	84
10 "	210
11 "	462
12 "	924
13 "	1.716
14 "	3.003
15 "	5.005
16 "	8.008

17	"	12.376
18	"	18.564
19	"	27.132
20	"	38.760
21	"	54.264
22	"	74.613
23	"	100.947

6.1. Pojedinačna cijena kombinacije

Član 18.

Cijena jedne kombinacije za učestvovanje u igri LOTO 6/39 u jednom kolu iznosi 0,70 KM po kombinaciji kod uplate kombinacija putem običnog i sistemskog listića.

Cijena jedne kombinacije kod uplate putem parcijalnog sistemskog listića iznosi odgovarajući postotni iznos od 0,70 KM.

Cijene jedne kombinacije igre LOTO 6/39 za ponuđene postotke kod parcijalnog sistemskog listića igre LOTO 6/39 su:

- Ukoliko je odabran postotak od 10% tada cijena jedne kombinacije igre LOTO 6/39 iznosi 0,07 KM.
- Ukoliko je odabran postotak od 20% tada cijena jedne kombinacije igre LOTO 6/39 iznosi 0,14 KM.
- Ukoliko je odabran postotak od 30% tada cijena jedne kombinacije igre LOTO 6/39 iznosi 0,21 KM.
- Ukoliko je odabran postotak od 40% tada cijena jedne kombinacije igre LOTO 6/39 iznosi 0,28 KM.
- Ukoliko je odabran postotak od 50% tada cijena jedne kombinacije igre LOTO 6/39 iznosi 0,35 KM.
- Ukoliko je odabran postotak od 60% tada cijena jedne kombinacije igre LOTO 6/39 iznosi 0,42 KM.

6.2. Ukupna vrijednost uplate pojedinog kola igre

Član 19.

Uplatu pojedinog kola igre LOTO 6/39 čini ukupna vrijednost primljenih uplata za pojedino kolo.

Uplate moraju biti u skladu sa zapisom na DVD medijima koji su blagovremeno deponovani u trezor Priređivača.

6.3. Visina fonda, raspodjela i vrste dobitaka

Član 20.

Fond dobitaka u igri LOTO 6/39 utvrđuje se od osnovice koja čini uplatu iz člana 15. ovih pravila.

Fond dobitaka u pojedinom kolu igre LOTO 6/39 iznosi 55% od osnovice utvrđene u članu 15. ovih pravila.

Iznos fonda dobitaka po pojedinom kolu objavljuje se u TV emisiji prije izvlačenja brojeva.

Član 21.

U igri LOTO 6/39 postoji osam vrsta dobitaka, koje se utvrđuju na temelju izvučene dobitne kombinacije pojedinog kola i to :

- dobitak prve vrste „Jackpot ili šestica“ - ako je na potvrdi, u pojedinačnoj kombinaciji, pogođeno svih šest izvučenih brojeva dobitne kombinacije („6“);
- dobitak druge vrste „petica + dopunski broj“ - ako je na potvrdi, u pojedinačnoj kombinaciji, pogođeno pet od šest izvučenih brojeva dobitne kombinacije i dopunski broj („5 + 1“);
- dobitak treće vrste „petica“ - ako je na potvrdi, u pojedinačnoj kombinaciji, pogođeno pet od šest izvučenih brojeva dobitne kombinacije („5“);
- dobitak četvrte vrste „čtvorka + dopunski broj“ - ako je na potvrdi, u pojedinačnoj kombinaciji, pogođeno četiri od šest izvučenih brojeva dobitne kombinacije i dopunski broj („4 + 1“);
- dobitak pete vrste „čtvorka“ - ako je na potvrdi, u pojedinačnoj kombinaciji, pogođeno četiri od šest izvučenih brojeva dobitne kombinacije („4“);
- dobitak šeste vrste „trojka + dopunski broj“ - ako je na potvrdi, u pojedinačnoj kombinaciji, pogođeno tri od šest izvučenih brojeva dobitne kombinacije i dopunski broj („3 + 1“);
- dobitak sedme vrste „trojka“ - ako je na potvrdi, u pojedinačnoj kombinaciji, pogođeno tri od šest izvučenih brojeva dobitne kombinacije („3“);
- dobitak osme vrste „dvojka + dopunski broj“ - ako je na potvrdi, u pojedinačnoj kombinaciji, pogođeno dva od šest izvučenih brojeva dobitne kombinacije i dopunski broj („2 + 1“).

U jednoj kombinaciji se ostvaruje samo jedna vrsta dobitka, tako da dobitak više vrste isključuje dobitak niže vrste.

Fond dobitaka u igri LOTO 6/39 dijeli se kako slijedi:

- fond prve vrste „Jackpot ili šestica“ - 23,00 % fonda dobitaka tekućeg kola;
- fond druge vrste „petica + dopunski broj“ - 6,70 % fonda dobitaka

tekućeg kola;

- fond sedme vrste - broj dobitaka sedme vrste pomnožen sa fiksnim iznosom dobitka od 3,00 KM ;
- fond osme vrste - broj dobitaka osme vrste pomnožen sa fiksnim iznosom dobitka od 0,70 KM.

Nakon odbitaka gore navedenih fondova ostatak formiranog fonda se dijeli na sljedeći način:

- | | |
|--|------------|
| - fond treće vrste „petica“ | - 32,25 % |
| - fond četvrte vrste „čtvorka + dopunski broj“ | - 5,12 % |
| - fond pete vrste „čtvorka“ | - 51,15 % |
| - fond šeste vrste „trojka + dopunski broj“ | - 11,48 %. |

Iznos pojedinačnog dobitka utvrđuje se tako da se fond dobitaka namijenjen za tu vrstu dobitaka podijeli ukupnim brojem dobitaka te vrste, uz izuzetak pojedinačnog dobitka „trojka” i „dvojka + dopunski broj”, koji su uvijek u fiksnom iznosu.

Broj svih dobitaka ostvarenih putem uplate parcijalnih sistemskih listića učestvuje u raspodjeli dobitaka tako da se taj broj prvo pomnoži sa postotkom uz koji je listić uplaćen, te nakon toga taj dobiveni broj učestvuje u raspodjeli.

Npr. ako je ostvaren dobitak „šestica” na parcijalnom sistemskom listiću od 10% tada u raspodjeli fonda dobitaka prve vrste taj dobitak učestvuje kao 0,1 dobitak (jedna desetina dobitka šestica).

Ako u pojedinom kolu nije utvrđen dobitak „šestica”, onda se ukupan fond dobitaka za „šesticu” prenosi u sljedeće kolo u fond za „šesticu” (JackPot).

Ako je u pojedinom kolu broj utvrđenih dobitaka „šestica” veći od 0 a manji od 1 (ostvaren parcijalni dobitak), onda se ostatak fonda dobitaka za „šesticu” prenosi u sljedeće kolo u fond za „šesticu” (JackPot).

Ako u pojedinom kolu nije utvrđen dobitak „petica + dopunski broj”, onda se ukupan fond dobitaka za „peticu + dopunski broj” prenosi u sljedeće kolo u fond za „peticu + dopunski broj”.

Ako je u pojedinom kolu broj utvrđenih dobitaka „petica + dopunski broj” veći od 0 a manji od 1 (ostvaren parcijalni dobitak), onda se ostatak fonda dobitaka za „peticu + dopunski broj” prenosi u sljedeće kolo u fond za „peticu + dopunski broj”.

Ako u pojedinom kolu nije utvrđen dobitak u nekoj od treće do pete vrste dobitaka, onda se fond za tu vrstu dobitaka raspoređuje u sljedeću nižu vrstu dobitaka.

Ako je u pojedinom kolu broj utvrđenih dobitaka u nekoj od treće do pete vrste dobitaka veći od 0 a manji od 1 (ostvareni parcijalni dobitci), onda se ostatak fonda za tu vrstu dobitaka raspoređuje u sljedeću nižu vrstu.

Ako u pojedinom kolu nije ostvaren dobitak „trojka + dopunski broj“, onda se ukupan fond dobitaka za „trojku + dopunski broj“ prenosi u fond dobitaka za „šesticu“ u narednom kolu igre.

Ako je u pojedinom kolu broj utvrđenih dobitaka „trojka + dopunski broj“, veći od 0 a manji od 1 (ostvareni parcijalni dobici), onda se ostatak fonda dobitaka za „trojku + dopunski broj“ prenosi u fond dobitaka za „šesticu“ u narednom kolu igre.

U jednoj kombinaciji se ostvaruje samo jedna vrsta dobitka, tako da dobitak više vrste isključuje dobitak niže vrste.

Ukoliko je vrijednost dobitka više vrste niža od vrijednosti dobitka niže vrste, ti fondovi se zbrajaju i dijele sa ukupnim brojem dobitaka više i niže vrste.

6.4. Jackpot

Član 22.

Garantovani JackPot za igru LOTO 6/39 (JackPot) iznosi 100.000,00 KM.

Iznos iz stava 1. ovog člana može se mijenjati odlukom direktora.

Ukoliko JackPot bude izvučen prije nego akumulirani fond dostigne garantovani iznos, razliku između akumuliranog i garantovanog JackPota nadoknađuje Priređivač iz fonda neisplaćenih dobitaka.

Član 23.

Maksimalan iznos JackPota i način njegove raspodjele mogu biti određeni odlukom Nadzornog odbora na prijedlog direktora Priređivača.

7. JOKER

Član 24.

U igri Joker dobici se utvrđuju na osnovu dva izvučena šestocifrena Joker broja u istom kolu.

U igri Joker dobitne kombinacije u oba izvlačenja ravnopravno učestvuju u raspodjeli fonda dobitaka.

Način igranja:

- Popunjavanjem kombinacija osnovne igre, obilježavanjem znakom „x“ kvadratića sa brojem 1 pored riječi Joker na pomoćnom listiću. U ovom slučaju igrač učestvuje u igri joker sa jednim brojem koji je otisnut na pomoćnom listiću ispod riječi Joker.

- Popunjavanjem kombinacija osnovne igre, obilježavanjem znakom „x“ kvadratića sa brojem pored riječi Joker na pomoćnom listiću, ili usmenim zahtjevom prodavaču da želi odigrati dva joker broja. U ovom slučaju igrač učestvuje u igri joker sa dva broja: prvim brojem koji je otisnut na pomoćnom listiću ispod riječi Joker i drugim brojem kojeg generiše softver slučajnim odabirom (joker quick pick).

- Popunjavanjem kombinacija osnovne igre, obilježavanjem znakom „x“ kvadratića sa brojem 3 pored riječi Joker na pomoćnom listiću, ili usmenim zahtjevom prodavaču da želi odigrati tri Joker broja. U ovom slučaju igrač učestvuje u igri Joker sa tri broja: prvim brojem koji je otisnut na pomoćnom listiću ispod riječi Joker i drugim i trećim brojem koje generiše softver slučajnim odabirom (Joker quick pick).

- Popunjavanjem kombinacija osnovne igre, usmenim zahtjevom prodavaču da želi odigrati jedan, dva ili tri Joker broja. Prvi Joker broj je broj koji je otisnut na pomoćnom listiću ispod riječi Joker, a ostale generiše softver slučajnim odabirom (Joker quick pick).

- Usmenim zahtjevom prodavaču da želi odigrati quick pick osnovnu igru i da želi odigrati jedan, dva ili tri Joker broja. U ovom slučaju sve kombinacije osnovne igre i sve Joker brojeve generiše softver slučajnim odabirom.

Svaka od navedenih opcija završava uplatom.

7.1. Pojedinačna cijena igre

Član 25.

Cijena za učešće u igri Joker iznosi 1,00 KM za jedan Joker broj.

Član 26.

U igri Joker mogu učestvovati samo listići sa uplaćenom osnovnom igrom i Joker brojem/brojevima.

7.2. Fond dobitaka

Član 27.

Fond dobitaka u pojedinom kolu za igru Joker iznosi 53% od osnovice utvrđene u članu 15. ovih pravila.

Član 28.

Novčani dobitci u igri Joker su sljedeći:

1. PRVA VRSTA

- JackPot Joker, čini šest pogodjenih brojeva Jokera (od prve do šeste cifre sa desne strane izvučenih Joker brojeva),
- Fond dobitaka prve vrste čini 20% fonda dobitaka tekućeg kola. U koliko se u tekućem kolu ne izvuče JackPot kompletan iznos fonda dobitaka prve vrste se prenosi u naredno kolo i čini JackPot Jokera.

Garantovani JackPot za igru Joker (JackPot Joker) iznosi 20.000,00 KM.

Iznos iz prethodnog stava ovog člana može se mijenjati odlukom direktora.

Ukoliko JackPot Joker bude izvučen prije nego akumulirani fond dostigne garantovani iznos, razliku između akumuliranog i garantovanog JackPot Jokera nadoknađuje Priređivač iz fonda neisplaćenih dobitaka.

2. DRUGA VRSTA

Drugu vrstu dobitaka čini pet pogodjenih brojeva Jokera (od prve do pete cifre sa desne strane izvučenih Joker brojeva) i to:

- novčani dobitak od 1.000,00 KM za pogodjenih zadnjih pet izvučenih brojeva Jokera.

3. TREĆA VRSTA

Treću vrstu dobitaka čini četiri pogodjena broja Jokera (od prve do četvrte cifre sa desne strane izvučenih Joker brojeva).

4. ČETVRTA VRSTA

Četvrtu vrstu dobitaka čini tri pogodjena broja Jokera (od prve do tri cifre sa desne strane izvučenih Joker brojeva).

5. PETA VRSTA

Petu vrstu dobitaka čini dva pogodjena broja Jokera (od prve do druge cifre sa desne strane izvučenih Joker brojeva).

6. ŠESTA VRSTA

Šestu vrstu dobitaka čini jedan pogodjen broj Jokera (prva cifra sa desne strane izvučenih Joker brojeva).

Novčani dobitak je fiksni i iznosi 1,00 KM za pogodjen (jedan) zadnji broj izvučenih Joker brojeva.

Nakon odbitka iznosa fonda za dobitke prve i šeste vrste, ostatak formiranog fonda se dijeli na sljedeći način:

- za četiri pogodjena broja 25,0%
- za tri pogodjena broja 37,5%
- za dva pogodjena broja..... 37,5%

U slučaju da nema dobitaka sa pogodjena četiri broja, fond za četiri broja se prenosi u fond dobitaka sa tri i dva pogodjena broja u omjeru 50%:50%.

Novčani dobitci druge vrste se isplaćuju iz fonda neisplaćenih dobitaka, odlukom direktora.

Ukoliko je vrijednost dobitka više vrste niža od vrijednosti dobitka niže vrste, ti fondovi se zbrajaju i dijele sa ukupnim brojem dobitaka više i niže vrste.

Član 29.

Dobitak više vrste isključuje dobitak niže vrste za svaki pojedinačno uplaćeni Joker broj.

Član 30.

Iznos pojedinačnog dobitka utvrđuje se tako da se fond dobitaka namijenjen za tu vrstu dobitaka podijeli ukupnim brojem dobitaka te vrste. Na svakom od uplaćenih Joker brojeva može se ostvariti dobitak.

Član 31.

Prvi Joker broj se formira od izvučenih brojeva osnovne igre, na način da Joker broj čine jedinice šest izvučenih brojeva osnovne igre poredanih po redoslijedu izvlačenja. (npr: ako je izvučen broj 5, računa se 5; ako je izvučen broj 27, računa se 7, itd.)

Jedinice tako izvučenih brojeva, gledano s lijeva na desno, predstavljaju:

- | | |
|-------------------------|---------------------------|
| - prvo izvučeni broj | - stohiljadicu |
| - drugo izvučeni broj | - desethiljadicu |
| - treće izvučeni broj | - hiljadicu |
| - četvrto izvučeni broj | - stoticu |
| - peto izvučeni broj | - desetice |
| - šesto izvučeni broj | - jedinicu dobitnog broja |

Drugi Joker broj sa šest brojeva se formira izvlačenjem uz pomoć šest bubnjeva na način da se svaki od šest brojeva izvlači pojedinačno iz bubnja po redoslijedu s lijeva na desno iz grupe brojeva od 0 do 9. Izvučeni brojevi se upisuju s lijeva na desno.

8. NAČIN, POSTUPAK I NADZOR IZVLAČENJA, ODNOSNO UTVRĐIVANJA DOBITAKA

8.1. Izvlačenje dobitaka

Član 32.

Javno izvlačenje u igrama LOTO 6/39 i Joker nadzirat će Komisija za izvlačenje brojeva. Komisija se sastoji od tri člana od kojih je jedan član predstavnik Ministarstva finansija Federacije Bosne i Hercegovine.

Rad Komisije, tehnika izvlačenja brojeva, kojom rukovodi ovlaštena osoba Priređivača, kao i druga pitanja u vezi sa izvlačenjem brojeva su definisani posebnim aktima, koje donosi Priređivač.

Član 33.

U toku izvlačenja dobitaka vodi se zapisnik kojeg potpisuju svi članovi Komisije. Zapisnik mora sadržavati: mjesto, vrijeme, način izvlačenja dobitaka, uplatu u tom kolu, izvučene dobitne brojeve.

Zapisnik o izvlačenju Priređivač dostavlja Ministarstvu finansija u roku od sedam dana.

8.2. Utvrđivanje dobitaka

Član 34.

Dobitke, utvrđuje Priređivač a potvrđuje Komisija za utvrđivanje dobitaka u sastavu od najmanje tri člana. Članove Komisije imenuje Priređivač.

Rad Komisije za utvrđivanje dobitaka se utvrđuje posebnim aktom, koji donosi Priređivač.

9. KRAJNI ROK UPLATE ZA UČESTVOVANJE U IGRAMA

Član 35.

Uplate za učešće u igama LOTO 6/39 i Joker se primaju do roka koji posebnom odlukom odredi Priređivač.

O krajnjem roku za primanje uplate Priređivač je dužan upoznati zainteresovane osobe isticanjem obavijesti na svim prodajnim mjestima i web stranici Priređivača.

Uplata se može primati i pretplatom do osam kola unaprijed.

10. OPIS POMOĆNOG LISTIĆA I POTVRDE

10.1. Obični pomoćni listić

Član 36.

Obični pomoćni listić se sastoji, s lijeva na desno, od deset skupnih polja sa kvadratićima u kojima su odštampani brojevi od 1 do 39.

Iznad svakog skupnog polja je ispisan broj kombinacije.

Iznad skupnih polja, u gornjem desnom uglu je ispisan naziv Priređivača.

Desno od zadnje kombinacije nalaze se brojevi koji označavaju pretplatu za: 2, 3, 4, 5, 6, 7 i 8 kola.

Ispod skupnih polja, na lijevoj strani ispisan je logo igre.

Ispod skupnih polja, desno od loga igre, ispisan je tekst Joker i tri kvadratića u kojima su ispisan brojevi 1, 2, 3.

Ispod riječi Joker, ispisan je šestocifreni broj za igru Joker.

Ispod skupnih polja, u donjem desnom uglu, ispisan je broj za igru Joker u bar kod formatu.

Obični pomoćni listić je štampan u crvenoj boji.

Naličje običnog pomoćnog listića se može koristiti za upute o igri i za reklamne svrhe.

10.2. Sistemski pomoćni listić

Član 37.

Sistemski pomoćni listić se sastoji iz jednog skupnog polja, u kojem su upisani brojevi od 1 do 39.

Iznad skupnog polja, u gornjem desnom uglu je ispisan naziv Priređivača. Lijevo od skupnog polja, ispisan je tekst sistemski listić.

Desno od skupnog polja se nalazi tablica sistema u upotrebi sa naznačenim brojem odigranih kombinacija koji odgovara svakom od sistema u upotrebi.

Ispod tablice punih sistema nalazi se kontrolni niz od deset kvadratića s upisanim brojevima od 7 do 16, koji označavaju koliko je brojeva obilježeno u skupnom polju.

Desno od tablice punih sistema u upotrebi nalaze se brojevi koji označavaju pretplatu za: 2, 3, 4, 5, 6, 7 i 8 kola.

Ispod skupnog polja, na lijevoj strani ispisan je logo igre.

Ispod skupnog polja, desno od loga igre, ispisan je tekst Joker i tri kvadratića u kojima su upisani brojevi 1, 2, 3.

Ispod riječi Joker, ispisan je šestocifreni broj za igru Joker.

U donjem desnom uglu, desno od kvadratića „da“ i „ne“, ispisan je broj za igru Joker u bar kod formatu.

Sistemski pomoćni listić je štampan u crvenoj boji.

Naličje sistemskog pomoćnog listića se može koristiti za upute o igri i za reklamne svrhe.

10.3. Parcijalni sistemski pomoćni listić

Član 38.

Parcijalni sistemski pomoćni listić se sastoji iz jednog skupnog polja u kojem su upisani brojevi od 1 do 39.

Iznad skupnog polja u gornjem desnom uglu je ispisan naziv Priređivača. Lijevo od skupnog polja je ispisan tekst parcijalni sistemski listić.

Desno od skupnog polja se nalazi tablica parcijalnih sistema u upotrebi sa naznačenim brojem odigranih kombinacija koji odgovara svakom od sistema u upotrebi.

Ispod tablice parcijalnih sistema u upotrebi nalaze se dva niza kvadratića. U gornjem nizu je petnaest kvadratića sa upisanim brojevima od 9 do 23, koji označavaju koliko je brojeva obilježeno u skupnom polju. U donjem nizu je šest kvadratića u kojima su upisani postoci: 10%, 20%, 30%, 40%, 50% i 60% kojim se označava koliki postotak cijene svih kombinacija igrač uplaćuje, a istovremeno i putem kojih se utvrđuje sa kolikim postotkom iznosa dobitka igrač učestvuje u raspodjeli ostvarenih dobitaka.

Desno od tablice parcijalnih sistema u upotrebi nalaze se brojevi koji označavaju pretplatu za 2, 3, 4, 5, 6, 7 i 8 kola.

Ispod skupnog polja, na lijevoj strani ispisan je logo igre.

Desno od loga igre, a ispod niza postotaka, ispisan je tekst Joker i tri kvadratića u kojima su ispisani brojevi 1, 2, 3.

Ispod riječi Joker, ispisan je šestocifreni Joker broj.

U donjem desnom uglu, desno od kvadratića 1, 2, 3, ispisan je broj za igru Joker u bar kod formatu.

Parcijalni sistemski pomoćni listić je štampan u crvenoj boji.

Naličje parcijalnog sistemskog pomoćnog listića se može koristiti za upute o igri i za reklamne svrhe.

10.4. Potvrda

Član 39.

Prilikom uplate, igraču se izdaje potvrda o uplati koja sadrži sljedeće podatke:

- „Lutrija BiH“ d.o.o. /logo i naziv Priređivača/,
- vrijeme upisa na serveru,
- tekst: „POTVRDA O UPLATI“,
- tekst: „LOTO 6/39“,
- broj važećeg kola, uplatni broj (operativni broj prodavača i redni broj potvrde),
- tekst „Izvlačenje:“ sa datumom i vremenom izvlačenja,
- tekst: „KOMBINACIJE“,
- odigrane kombinacije,
- odabrani postotak parcijalnog sistema (ako je odigran parcijalni sistemski listić),
- brojevi Jokera (ukoliko je uplaćena ta igra),
- tekst: „Iznos“, iznos u KM,
- eventualno promotivni tekst,
- broj uplatnog mjesta, datum i vrijeme uplate,
- kontrolni kod u brojčanoj i bar kod verziji.

Potvrda o uplati je ispisana na termalnoj traci na čijoj se poleđini nalazi logo Lutrije BiH i izvodi iz pravila.

11. NAČIN OBJAVLJIVANJA IZNOSA UPLATE, FONDA DOBITAKA I REZULTATA IGARA

Član 40.

Izveštaj o uplati i fondu dobitaka pojedinog kola igara objavljuju se prije početka samog izvlačenja u direktnom TV prenosu.

Privremeni izvještaji o dobitcima u tekućem kolu objavljuju se nakon javnog izvlačenja a u toku direktnog TV prenosa. U slučaju da zbog tehničkih problema nije moguće prikazati privremeni izvještaj, isti će biti prikazan naknadno na web stranici Priređivača i u sredstvima javnog informisanja.

Član 41.

Privremeni izvještaj koji se objavljuje u jednoj od dnevnih novina sadrži najmanje ove podatke:

- redni broj kola;
- datum izvlačenja;
- izvučene brojeve po redoslijedu izvlačenja;
- broj dobitaka i iznos dobitaka po vrstama;
- iznos primljene uplate;
- nagradni fond;
- iznos fonda određen za pojedine vrste dobitaka;
- rok za prigovore;
- ostala obavještenja koja su potrebna igračima.

12. PRIGOVORI - REKLAMACIJE

Član 42.

Igrač može podnijeti prigovor Komisiji za utvrđivanje dobitaka u roku od četiri dana od dana objavljivanja privremenog izvještaja, a u skladu sa Procedurom za reklamacije.

Član 43.

Konačni izvještaj koji se objavljuje u jednoj od dnevnih novina sadrži najmanje ove podatke:

- redni broj kola i datum izvlačenja;
- iznos uplate i fond dobitaka;
- broj i iznos dobitaka;
- rok zastare isplate dobitka;
- uplatne brojeve potvrda opravdanih i neopravdanih prigovora;
- ispravke eventualnih greški predhodnog kola.

Konačni izvještaj potpisuje direktor Priređivača.

13. NAČIN I ROK ISPLATE DOBITAKA

Član 44.

Isplata dobitaka Jackpot, kao i isplata svih vrsta dobitaka čija je vrijednost preko 5.000,00 KM se obavlja po konačnom izvještaju u sjedištu Priređivača. Isplata ostalih vrsta dobitaka čija je vrijednost do 5.000,00 KM se obavlja po privremenom izvještaju na prodajnim mjestima priređivača.

Član 45.

Pri isplati dobitka igrač je dužan predati potvrdu u ispravnom stanju. Ispravna potvrda je ona koja sadrži sve elemente navedene u članu 39. ovih pravila.

Uz predaju potvrde igrač je dužan predati na uvid ličnu ispravu osobi koja obavlja isplatu, ako se radi o oporezivom dobitku.

13.1. Rok isplate

Član 46.

Isplata dobitaka zastarijeva u roku od 30 dana od dana objavljivanja konačnog izvještaja.

13.2. Neisplaćeni dobitci

Član 47.

Nakon isteka roka iz člana 46. ovih pravila, neisplaćeni dobitci u skladu sa članom 39. Zakona o igrama na sreću FBiH se prenose u fond neisplaćenih dobitaka.

14. NAČIN UPOZNAVANJA IGRAČA SA OVIM PRAVILIMA

Član 48.

Ova pravila će se objaviti u jednoj od dnevnih novina.

Član 49.

Ova pravila nalaze se na svim prodajnim mjestima Priređivača i web stranici Priređivača.

Priređivač je dužan omogućiti igračima upoznavanje sa ovim pravilima, odnosno dati ih na uvid.

15. POSTUPAK U SLUČAJU OTKAZIVANJA IZVLAČENJA

Član 50.

Termin direktnog izvlačenja može se promijeniti.

Priređivač može, saglasno sa članom 35. Zakona o igrama na sreću, iz opravdanih razloga otkazati zakazano izvlačenje.

16. POREZ NA DOBITKE

Član 51.

Fizička lica, koja su ostvarila dobitak od igara na sreću, plaćaju porez u skladu sa Zakonom.

17. PRIJELAZNE I ZAVRŠNE ODREDBE

Član 52.

Priređivač je dužan čuvati zapise potvrda na DVD ili drugim pogodnim medijima, najmanje 2 (dvije) godine, računajući od dana održanog izvlačenja određenog kola, osim u slučajevima kada je pokrenut sudski spor radi ostvarivanja prava iz učestvovanja u igrama LOTO 6/39 i Joker.

Član 53.

Za rješavanje sporova koji proisteknu iz učestvovanja u igrama LOTO 6/39 i Joker, mjesno i stvarno je nadležan Općinski sud u Sarajevu.

Član 54.

Ova pravila stupaju na snagu i primjenjuje se narednog dana od dana objavljivanja u jednoj od dnevnih novina.

Broj: 01-19-2664-4/22
Dana: 24.10.2022. godine

P R E D S J E D N I K

Miroslav Ćorić, s.r.